

Deklaracija o doprinosu Misije OSCE-a u Bosni i Hercegovini očuvanju životne sredine

Bosna i Hercegovina se u Evropi, pa i u svijetu¹, nalazi među posljednjima po očuvanju životne sredine. Ekološka pitanja predstavljaju ozbiljnu prepreku održivom razvoju u BiH i imaju štetan uticaj na uslove života, zdravlje i bezbjednost svih nas. Razumijevajući hitnu potrebu za kolektivnim djelovanjem u osiguravanju bezbjedne i održive budućnosti u BiH te da bi smanjila svoj uticaj na životnu sredinu, Misija OSCE-a u Bosni i Hercegovini se obavezuje da će preduzeti sljedeće napore:

1) Težiti ka tome da smanji potrošnju energije i poveća uštedu struje i vode.

- Podstaći osoblje da isključi stane računare preko vikenda i tokom zvaničnih praznika.
- Podstaći osoblje da koristi javni prijevoz i druge ekološki prihvatljive oblike prijevoza.
- Zajednički koristiti vozila Misije prilikom putovanja koje se obavlja u istu svrhu, ili prilikom putovanja koje se obavlja u različite svrhe, ali na isto odredište ili u istom pravcu.
- Promovisati korištenje video konferencija umjesto putovanja na sastanke, kad god je to moguće.
- Regulirati temperaturu u prostorijama Misije sa ciljem uštede energije nakon radnog vremena, kao i tokom ljetnih i zimskih mjeseci.

2) Promovisati praksu održivosti, uključujući princip „Smanji, ponovo upotrijebi i recikliraj“.

- Ne služiti vodu u plastičnim bocama na internim sastancima.
- Podstaći osoblje da ponese svoje šolje i termos boce prilikom korištenja aparata za vodu.

¹ Indeks ekoloških performansi (EPI), koji zajednički objavljuju Univerzitet Yale i Univerzitet Columbia u saradnji sa Svjetskim ekonomskim forumom, rangira BiH na 158. mjesto od 180 država.

- Povećati nivo recikliranja i sortiranja otpada.
- Organizovati periodično prikupljanje starih elektronskih uređaja i istražiti mogućnosti za bezbjedno uklanjanje drugog opasnog otpada.
- Osigurati ponovnu upotrebu i recikliranje namještaja i druge opreme koja je u upotrebi u Misiji, gdje god je to moguće.
- Smanjiti nepotrebno štampanje.
- Ukinuti upotrebu jednokratnih plastičnih proizvoda, gdje god je to moguće.

3) Podići svijest u Misiji sa ciljem senzibiliziranja osoblja i njihovih porodica o načinima smanjivanja njihovog uticaja na životnu sredinu i unapređenje ekološki prihvatljivog djelovanja.

- Pružiti informacije i instrukcije o recikliranju i odgovornom uklanjanju otpada.
- Svake godine organizovati Dan recikliranja.

4) Pružiti podršku lokalnim inicijativama i osigurati da projekti i aktivnosti doprinose boljoj životnoj sredini u BiH.